



Fylkesmannen i Hordaland

Sakshandsamar, innvalstelefon
Jørgen Aarø, 55 57 20 46
Rune Johan Mikkelsen, 55 57 21 81

Vår dato
14.03.2013
Dykkar dato

Vår referanse
2013/3719 433.2
Dykkar referanse

Reidar Sekse

5773 HOVLAND

Løyve til utsetting av fjelledelgran til juletreproduksjon

Reidar Sekse får løyve på bestemte vilkår til utsetting av fjelledelgran på gnr. 84 bnr. 3 og 4 i Ullensvang herad.

Vi viser til søknaden vi mottok 11. mars 2013 og telefonsamtale 13. mars 2013 om utsetting av fjelledelgran til juletreproduksjon på gnr. 81 bnr. 3 og 4 i Ullensvang herad. Søknaden er vurdert i samarbeid mellom fylkesmannen sin miljøvern- og klimaavdeling og landbruksavdelinga.

Saka er handsama etter forskrift av 25. mai 2012 nr. 460 om utsetting av utanlandske treslag til skogbruksføremål, med heimel i naturmangfaldlova. Dei miljørettslege prinsippa i naturmangfaldlova kapittel II ligg til grunn for sakshandsaminga.

Treslag og mengd

Søkjær har pr. i dag om lag 14 000 tre ståande på dei omsøkte eigedomane. Dei neste åra skal dette aukast med 6000 tre på areal som tidlegare vart nytta til vanleg skogproduksjon, og på anna restareal på eigedomane. I telefonsamtale 13. mars 2013 vart det avklart at det er ønskje om å plante 3000 fjelledelgran kvart år dei neste ti åra for å erstatte årleg uttak der det allereie er juletreproduksjon, og for å auke produksjonen på nytt areal.

Fjelledelgran (*Abies lasiocarpa*) er plassert i risikokategorien lav risiko¹ og er ikkje oppført på svartelista.

Utsettingsområdet

Det omsøkte utsettingsområdet ligg i eit kulturlandskap prega av landbruksdrift, og består av elleve små felt på om lag 30 daa til saman. Om lag 10 daa av dette er nytt areal som skal tilplantast dei neste åra. I kartvedlegget er plantefelta merkt A-D på den søre delen av gnr. 84 bnr. 3 og E-F på den nordre. Granfeltet som skal erstattast av juletreproduksjon er felt F. På gnr. 84 bnr. 4 er felta merkt A, B1, B2, C og D.

I Naturbase² og Artskart³ er det ikkje registrert viktige eller sårbare naturtypar, raudlista artar eller MiS-figurar⁴ med innverknad på handsaminga av saka.

¹ Gederaas, L., Moen, T.L., Skjelseth, S. & Larsen, L.-K. (red.) 2012. *Fremmede arter i Norge – med norsk svarteliste 2012*. Artsdatabanken, Trondheim.

² <http://innsyn.naturbase.no> (besøkt 13.3.2013)

Vurdering

Eigedomane der dei omsøkte juletrefelt ligg er i aktiv landbruksdrift i dag, og det er etablert juletreproduksjon på mange av felta. Dei nye felta som skal tilplantast er kulturprega med tidlegare granskog og noko restareal på eigedomen. Det er ikkje registrert naturmangfald som krev særskilt omsyn på eigedomane. Fjelledelgran er ikkje eit svartelista treslag, og trea skal hoggast før dei set frø, noko som minimerer spreingsfaren til kringliggande område.

Vår vurdering er at saka er godt nok opplyst til å fatte eit vedtak jf. kravet til kunnskapsgrunnlaget og føre-var-prinsippet i naturmangfaldlova §§ 8 og 9. Vi kan ikkje sjå at produksjon av juletre på dei omsøkte areala vil medføre uheldige følgjer for naturmangfaldet.

Sidan planting skal skje på felt som allereie er prega av landbruks- og skogbruksdrift vil juletreproduksjon i områda som er avteikna i kartvedlegget ikkje medføre ytterlegare belastning på naturmangfaldet utover det som er tilfellet i dag, jf. naturmangfaldlova § 10 om økosystemtilnærming og samla belastning.

Etter naturmangfaldlova § 11 skal kostnadane ved å hindre eller avgrense skade på naturmangfaldet berast av tiltakshavar. Dersom brot på vilkåra i løyvet fører til skade på stadeige naturmangfald må tiltakshavar bere kostnadane for å rette opp i dette.

Val av driftsmetodar og teknikkar skal etter § 12 ta best mogleg omsyn til naturmiljøet, slik at resultatet gjev dei beste samfunnsmessige resultata. Utover dei føringar som følgjer av anna lovverk, som til dømes for bruk av sprøytemiddel, har vi ikkje spesielle merknadar til dette i denne saka.

Vedtak

Reidar Sekse får løyve til å sette ut opp til 3000 fjelledelgran kvart år i perioden 2013 til og med 2022 på gnr. 81 bnr. 3 og 4 i Ullensvang herad på følgjande vilkår:

- Løyvet gjeld for dei omsøkte områda i kartvedlegget.
- Trea må hoggast før dei set frø.
- Rutinar for å sikre hogst før frøsetting må verte etablerte, og dokumentasjon på dette må visast fram ved eventuelle tilsyn.
- Dette dokumentet må gjerast kjend og overført til ny grunneigar ved eventuelt eigarskifte.
- Dersom juletreproduksjon på eigedomen vert avvikla må trea hoggast.

Klageadgang

Vedtaket kan påklagast innan tre veker, jf. forvaltningslova §§ 28 og 29. Klaga skal stilast til Direktoratet for naturforvaltning, men sendast til Fylkesmannen i Hordaland, jf. forvaltningslova § 32.

³ <http://artskart.artsdatabanken.no> (besøkt 13.3.2013)

⁴ MiS-figurar er registrerte naturelement i programmet Miljøregistreringar i Skog som er nytta i skogbruket.

Med helsing

Stein Byrkjeland e.f.
seniorrådgjevar

Jørgen Aarø
rådgjevar

Brevet er godkjent elektronisk og har derfor inga underskrift.

Kopi til

Ullensvang herad	Heradshuset	5780	Kinsarvik
Direktoratet for naturforvaltning (DN)	Postboks 5672 Sluppen	7485	Trondheim

WWF og SABIMA har bedt om innsyn i sakar som omhandlar utsetting av utanlandske treslag og får difor kopi av løyvet.